



UNIVERSITÄTS-  
BIBLIOTHEK  
PADERBORN

## **Epitome Instituti Societatis Jesu**

**Sesti, Curtius**

**Bruxellis, 1690**

Sect. V. Provincialis jura, & obligationes erga sibi subordinatos superiores,  
& eorum Officiales.

---

[urn:nbn:de:hbz:466:1-68440](https://nbn-resolving.org/urn:nbn:de:hbz:466:1-68440)

vinciam aliquis; cui jus suffragii esset in Congregatione Provinciali. *l* Atque hæc satis de Consultoribus Provincialis.

*l* R. Prov. 113.

6. Ipse verò habeat secum literas Apostolicas authenticas, & Compendium facultatum Societatis, Constitutiones, Decreta, Regulas omnes, & quæ à Generali ordinantur, eaque bene intelligat, & observari faciat. *m* In loco, in quo diutius ei residendum est, habebit Archivium, in quo asservabit, quæ ad suum officium, & communem usum Provinciæ pertinent, quæ omnia ex Catalogo à se subscripto Successori tradet. *n* Habeat præterea libellum, in quem referat, quæ agenda, aut scribenda sunt. *o*

*Constitutiones, Decreta &c. Provincialis apud se habeat.*

*m* Reg. 18.

*n* R. 19.

*o* R. 20.

7. Orationes, & Missas indicere poterit; sed modum in his non excedat. *p*

*Orationes indicare potest. p* R. 21. & P. 7. C. 2. M.

S E C T I O V.

*Provincialis jura, & Obligationes erga sibi subordinatos Superiores, & eorum Officiales.*

1. **E**T si non potest Præpositos Domorum, & Rectores Collegiorum, & Domorum Probationis suæ Provinciæ constituere: si tamen necesse esset aliquando

*Quando Superiorem constituere possit.*

do mutationem facere Superioris alicujus, & periculum esset in mora, vel, si is moretur, poterit aliquem, qui vices Superioris gerat, interim constituere, donec Generalis admonitus provideat. Ministros autem, & Procuratores ipse designabit, atque etiam Subministros, & Praefectos Sanitatis. ¶

¶ R. 22. & P.  
9. C. 3. §. 14.

*Et Reliquos Offi-  
ciales.*

¶ R. 23.

¶ R. 24.

¶ R. 25.

*Tum Prædicato-  
res, Confessarios,  
Magistros.*

¶ R. 26. & C. 2.  
D. 62. & C. 13.  
D. 16.

\* P. 4 C. 6. F. &  
C. 7. A. & C. 12.  
C. & R. Prov.  
27. & St. Prov.  
2.

2. Eiusdem erit constituere Magistros Novitiorum in locis Probationis non separatis, sed à Generali confirmandos; designabitque Praefectos rerum spiritualium, Viros selectos juxta In. 10. itemque ordinarios nostrorum Confessarios, Consultores etiam, & Admonitores eorum, qui praesunt in Provincia; atque illi suo munere fungi statim poterunt, licet confirmandi à Generali. †

3. Prædicatores, & Confessarios idem constituet, praemisso tamen domestico examine, & approbatione Ordinariorum juxta formam Concilii Tridentini. ¶ Lectores ordinarios in omnibus classibus, & primarios Officiales ( praeter Rectorem, & Cancellarium ) in Universitatibus deligat; novas tamen lectiones non addat, nec Scholas usquam ullas, & praesertim eas, in quibus pueri legendo, & scribendo instituantur; quod nec privatim licebit, sine facultate Generalis. \*

4. Crebra intercedat inter ipsum, & inferiores literarum communicatio, & iuxta ejus arbitrium in omnibus se gerant. y Et quamvis Superiores locales, & qui in Missionibus versantur, debeant scribere ad Provinciale singulis hebdomadis; ipse tamen ad eosdem non nisi singulis mensibus. z

5. Tueatur auctoritatem Superiorum immediatorum in subditos; ita tamen ut constet posse omnes ad mediatos recurrere: ideo quidquid agendum erit, quod ad immediatorum officium pertineat, per eosdem fieri curabit; a nec ab eorum obedientia quemquam eximat, inconsulto Generali, nisi periculum esset in mora; & tunc certiores faciat Generalem de Persona, & causis, propter quas eam exmerit. b

6. Et quia magni momenti est ad tuendam disciplinam, & executionem urgentiam Superiorum immediatorum fortitudo, & constantia; ad eam fovendam Provincialis 1. amanter cum illis agat, ostendatque se de illorum bono successu, & auctoritate tuenda esse sollicitum. 2. Examinet diligenter subditorum querelas adversus Superioris rigorem; ne fortè existiment rigorem esse exigere à Subditis exam

*Crebra literarum communicatio.*

y P. 8 c. 1. §. 4. & 9. & P. 9. c. 6. §. 2. & Form. Scrib. §. 1. & c. z P. 8. c. 1. L. & C. 2. D. 53. & For. Scrib. §. 2. & 5. 6. *Defendat Superiorum auctoritatem.*

a P. 2. c. 1. §. 2. & P. 4. c. 10. §. 4. & P. 8. c. 1. §. 4. & 6. & R. Prov. 29 b P. 8. c. 1. D. & E. & R. Pro. 31.

*Media ad eorundem constantiam fovendam.*

Etiam observationem Regularum. Nec minus examinetur, quid causæ sit, cur de multis Superioribus non audiantur Subditorum querelæ; an quia salvâ disciplinâ suaves, an quia remissi, quod pacificè vivere velint. 3. Non sit facilis credendo delationibus contra eosdem. 4. Curet, ut omnes intelligant unam omnium Superiorum mentem esse, ad executionem urgendam; neque recursus in hac parte prodesset. 5. Urgeat executionem apud Superiores immediatos. 6. Non permittat Regularum transgressores impunitos abire, etiamsi antiquiores sint, & benè meriti: & eadem disciplina communis sit ipsis Superioribus, si suo officio desint. 7. Antequam è Collegiis discessum curet executioni mandari ea, quæ certò à Regula præscribuntur, & prætermissa sunt: quod si aliud tempus postulant, notet in Memoriali: & negligentes in executione Rectores etiam à tali onere liberentur. c

c C. 6. D. 37.  
& C. 9. D. 26.  
& In. 18. §.  
3. & 11. &  
Cl. c. 2. tit. 2.  
§. 4.

*De idoneis ad  
gubernandum,  
alia Ministeria.*  
d R. 29. 30. &  
R. Visit. 24. &  
26. 27. & 40.  
& c. & Or. c.  
17. p. 1. §. 2.  
3. & c. & In.  
21. §. 4.

7. Quos ad gubernationem idoneos judicaverit, aptis experimentis exerceat, & universim curet singulorum talentis Ministeria congruere. d